

Jí² gasii¹ in San Pablo tí²i tsá² 'in néei¹ Galacia

Siin¹ in Poo² 'e jí² lo tí²i 'in jai² lí² Cristo néei¹ Galacia

¹ Jna-a, Poo², sí³na 'e jí² lo. Joon lí¹na apóstol, joon jon' tsá² 'in nigatyiin¹³ jna la joongi jon' tsá² 'in nigasiin¹ in jna pe Jesucristo coon¹³ Dios Jmii²¹ nigatyiin¹³ jna joon 'ii nigasiin¹ in jna. Joon Dios Jmii²¹ gajmaa¹ a jiin¹ Jesucristo do jee²¹² 'lí²¹².

² Jna, Poo², coon¹³ 'in tsaru¹u' catyaa² 'in taain²¹² coon¹³ jna lo, sii²¹ jna'a 'e jí² lo tya' 'in tsá² jai² lí² Cristo néei¹ coon²¹ lí sii²¹ Galacia.

³ Cwauncwaa¹³ Dios Jmii²¹ 'naa' joon cwoseen²¹ mo 'naa' tyá²-u tyaní¹i coon¹³ Ña'ñu¹u' Jesucristo.

⁴ Joon Jesucristo do gajaan²¹ mo 'ña'a ijuun¹ in 'wii¹³ tsaa² tyijna' 'e coon¹³ la joon lí² láa² mo jna' 'e juncwii²¹ gó² lo jiin¹³ la nigali'iin²¹² in Dios Ñu¹u' tyii' jmáa¹ a.

⁵ ¡Cwoun'goo²¹ o tsá² Dios coon²¹ tøø² mo! Amén.

Jo 'e sá¹ júu³ xiia²¹ wa' lí² jmá¹ tiin¹³ tsá²

⁶ Tsa'goo²¹-tsii 'áai¹ tsu jmoonoo nigatiui² 'naa' Dios 'in nitø¹²ø 'naa' coon¹³ 'e nigajmaa¹ a Cristo 'wii¹³ 'naa', joon niga'láa² 'wii²¹² jmaa²aa' núu¹³uu' coon²¹ júu³ xiia' wa' lí² jmá¹ tiin¹³ tsá².

⁷ Pe jo 'ee júu³ xiia' sá² 'e la jai² wa' lí² jmáa¹ a tiin¹³ tsá². Pe seen²¹ mo 'in lí¹³ 'in untyí² 'naa' joon

'iin²¹²in 'in tsá² do unsi²i 'e júu³ tyú² tya' xiaala jmoo¹o Cristo tiin¹³ tsá².

8 Pe wana cwo¹ tsá² 'naa' coon²¹ júu³ tya' 'e tiin¹³ tsá² 'e sisí²i lagi 'e júu³ tya' Cristo 'e ga'ii¹³ 'naa' 'e gacwóo¹³o'o 'naa', cwojmee²¹mo Dios 'ii xufin¹³ jna 'ñii'a si jaain²¹ ángel jó¹ fu ñu'fú² 'ee.

9 Joon la nigafo²oo la mo jée¹ joon nano fo²oo tún¹: wana cwo¹ 'inlíi¹³ tsá² 'naa' júu³ tya' 'e tiin¹³ tsá² 'e sisí²i lagi 'e júu³ 'e ga'ii¹³ 'naa', cwojmee²¹mo Dios 'ii.

10 Mo fo²oo la joon, ¿ti líi²'naa' 'e 'iin²¹²na liseen²¹na tyú² coon¹³ tsá² si coon¹³ Dios 'ee? ¿Ti líi²'naa' 'e jmóo³oo jmaai¹³ 'e tí²-tsi tsá²? Tsu wana jmóo³oo jiin¹³ 'e tí²-tsi tsá² jo líi¹na tsá² 'in jmoo¹o jiin¹³ la to² tyu² Cristo.

Xiiala gali² 'e líi²in Poo² apóstol

11 Pe cwoliñi² 'naa', tsáru¹u', jo gajooi²-tsi tsá² 'e júu³ tyú² tya' 'e tiin¹³ tsá² 'e cwóo³oo.

12 Jo ga'ii¹³na 'e júu³ do wa' tya' jiin¹³ jaain²¹ tsá², jon'gi wa' tsá² ga'e²e jna, pe 'ña'a Jesucristo gajmaa¹a 'e liñi³ii.

13 Joon niganuu² 'naa' xiiala nigajmáa³aa la mo jéei¹ mo gaun'góo³oo Dios coon¹³ la tñisi² tya' tsá² Israel. Ñí³ 'naa' xiaala ga'øø²na coon¹³ 'e 'gøøi¹³ tya' 'in tsá² jai² líi² Cristo 'in gatyiin¹³ Dios. Joon gali'iin²¹²na wa' 'iin²na 'in jai² líi² Cristo coonti.

14 Joon cwáain¹ tya' 'e tñisi² tya' tsá² Israel gacwán¹na líi¹gi lagi 'in tsá² góo³oo 'in coon²¹ røø²na coon¹³, tsu jna-a gajmáa³gi coon²¹ tún² la tñisi² tya' tsacøøi¹³ tyiia.

15 Pe Dios nigatyiin¹³ jna la ñu'gi iliseen²¹na, joon gatø¹²ø jna coon¹³ 'e feei¹-tsi tyiia. Joon mo gali'yaai¹-tsi,

16 gajmaa¹a 'e licwii¹na Jóon¹on, 'e coon¹³ la joon ilijmaa¹³aa júu³ tsá² jo seein²¹ Israel 'e júu³ tya' 'e tiin¹³ tsá². Joon mo gali² jilaa²¹ 'elo, jo 'iin gaunngí³ii jiin¹³ jaain²¹,

17 jon'gi wa'a gangó³oon Jerusalén wa'a nga-jøø²¹²na 'in tsá² do 'in líi¹ apóstoles la jéei¹gi lagi jna. Li' cii¹³i gajmáa³aa, gangó³oon la jmoonu fu coon²¹ li sii²¹ Arabia joon mo ngayuui¹³ joon gangó³oon fu Damasco tún¹.

18 Joon mo ningó¹ 'ni¹ jiin²¹ gangó³oon fu Jerusalén. Joon galicwii¹na Tú³ joon gataan²¹²na dya'ña² jmi²¹² coon¹³on.

19 Pe jo 'in apóstoles catyaai² do gamáa¹na jiin¹³ Jacobo 'in ruui²¹ Ña'ñu¹u'.

20 Joon tyani Dios fuu²¹²uu 'naa' 'e la jai² 'e júu³ lo.

21 Mo galicii²¹gi joon gangó³oon coon²¹ li sii²¹ Siria coon¹³ li sii²¹ Cilicia.

22 Joon 'in tsaru¹u' 'in jai² líi² Cristo 'in néei¹ li sii²¹ Judea jo mo gangaa¹i jna jiin¹³ coon²¹ naa¹³.

23 Jiin¹³ nigajmaa¹a 'in tsá² do júu³ jin²in: “In tsá² 'in niga'øøi² jna' la mo jéei¹, nano ngí¹i to² cwo¹ 'e júu³ tyú² 'e jo² líi²na' lo. Cwo¹ 'ido 'e júu³ tyú² 'e la mo jéei¹ gali'iin²¹²in wa' 'iin²mo.”

24 Joon gacwo¹o 'in tsá² do 'maai¹³ Dios cwáain¹ tyiajna.

Ga'ii'²¹ 'in apóstoles catyaa'² do Poo'²

¹ Joon mo gangíi'¹gi dyatyú'² jiin'²¹ joon gangó'³oon tún'¹ Jerusalén coon'¹³ Bernabé. Joon gajée'¹moo jon Tito.

² Gangó'³oon tsu Dios gajma'²a jna júu'³ 'e 'ná'¹ ní'³ii. Joon fu Jerusalén do ga'e'³ee 'in tsá'² do 'e júu'³ tyú'² 'e nigacwo'²oo 'in tsá'² 'in jo seein'²¹ Israel. Pe ga'e'³ee li' coon'²¹ 'in líi'¹ tsacøøi'¹³ jee'²¹² 'ii tsu jo gali'iin'²¹²na wa'a 'e to'² 'e nigajmáa'³aa si 'e to'² ijmáa'³aa 'ee ilí'² jo 'ee to'² tí'².

³ Joon 'in Tito do, xufiin'¹³ jo líi'¹i tsá'² seein'²¹ Israel do, jo galí'² wa'a 'ii'²¹in 'ido 'e lí'² circuncisión,

⁴ xufiin'¹³ 'inlíi'¹³ tsá'² do gali'iin'²¹²in wa'a 'ii'²¹in Tito do 'e lí'² do. Joon 'in tsá'² do, 'in gali'iin'²¹²in la joon, jo líi'¹i tsaru'¹u' la jai'², jiin'¹³ ga'í'² jee'²¹² jna'a 'uun'²¹mo. Ga'í'² 'in tsá'² do jee'²¹² jna'a wa'a ilí'² jøø'²ø xiaala galáai'² Cristo Jesús jna'a la to'² tyu'² ley do, joon 'iin'²¹²in wa'a lí'² 'ñúu'¹i jna'a coon'¹³ ley do tún'¹.

⁵ Pe jiin'¹³ catá'² jo gacwóo'¹³o' o wa'a jée'¹i jna'a, tsu gali'iin'²¹²moo'o 'e lí'² 'e 'oo'²gii' 'e júu'³ jai'² do tya' 'e tiin'¹³ tsá'².

⁶ Joon 'in tsacøøi'¹³ do jo gatsaa'²¹a jiin'¹³ coon'²¹ wa'a lí'² un'láai'² 'e júu'³ tyiia. Pe cwáain'¹ tyiia jo 'ee tsa'goo'¹-tsii tya' 'in tsacøøi'¹³ do tsu jo jmoo'¹o Dios 'ii'²¹ coon'¹³ 'e ní'² tsá'².

⁷ Xu la wa'a tsaláai'² júu'³ tyiia, galiñí'² 'in tsá'² do 'e nigacwo'¹o Dios jna 'e to'² do wa'a cwo'³oo 'in tsá'² jo seein'²¹ Israel 'e júu'³ tyú'² tya' 'e tiin'¹³ tsá'². Nigacwo'¹o Dios jna 'e to'² do jiin'¹³ la nigacwo'¹o Tú'³ to'² wa'a cwo'¹o tsá'² 'e júu'³ tyú'² do tya' tsá'² Israel.

8 Tsu coon²¹ røø²¹ 'in Dios 'in nigasii¹in Tú³ líi¹ apóstol jee²¹² tsá² Israel, 'ii jon nigasii¹in jna líi¹na apóstol jee²¹² tsá² 'in jo seein²¹ Israel.

9 Tsu 'wii¹³ joon, Jacobo, coon¹³ Tú³ coon¹³ Wó³, 'in líi¹ 'in tyiin²gi jee²¹² 'ii, mo galiñii¹i xiiala nigajmaa¹a Dios coon¹³ jna, gason¹on cwóo³oo coon¹³ cwoo²¹ Bernabé lawa coon²¹ li² 'e røø²¹ sii²¹'i coon¹³on. Sii²¹'i røø²¹ wa'a tsá² jna'a 'e tsajmoo²¹o'o to² jee²¹² 'in tsá² jo seein²¹ Israel la 'ii²¹² tsajmaa¹a 'ido to² jee²¹² tsá² Israel do.

10 Gamii¹o wa'a jiin¹³ jo 'iin²-tsii¹ 'in tsá² tañí² do. Joon gacwo²-tsii nigajmá³aa 'elo.

Mo gají²in Poo² Tú³ fu Antioquía

11 Pe mo gacwéi¹ Tú³ fu li taan²¹²na fuu²¹ Antioquía gají²na 'ii tyaní¹i tsu nigajmaa¹a 'e jo tñi² jmaa¹a.

12 Tsu la nifu mo gatyí¹a Antioquía do gagøø²¹o caain²¹ coon¹³ 'in tsá² jo seein²¹ Israel do. La joon gajmaa¹a ca mo gatyallín² 'in líi¹³ tsá² gasii¹in Jacobo. Mo ngayuui¹³ joon ga'láa² Tú³ 'wii²¹² jmaa¹ coon²¹ 'ña'a, jo gøø²¹gi caain²¹ coon¹³ 'in tsá² jo seein²¹ Israel do tsu 'goo²¹o Tú³ nei² liñi¹ 'in tsá² coon²¹ poo²¹² 'in jin²in 'e 'ná¹ 'ii²¹ tsá² 'e li² circuncisión do joon jmáa¹a jilaa²¹ tñsi² tya' tsá² Israel.

13 Joon 'in tsá² Israel catyaa² 'in jai² líi² Cristo néei¹ do galí² tún² 'i¹-tsi coon¹³ Tú³ do joon cagi Bernabé gasii²i røø²¹ coon¹³ 'ido coon¹³ 'e gó² jmoo¹o.

14 Pe mo gamó³oo xiiala jo nijmoo¹o røø²¹ coon¹³ 'e jai² tya' 'e júu³ tya' 'e tiin¹³ tsá² gafuu²¹²uu Tú³ tyani jileei²¹ tsá² do: “N_{u-u}, 'in líi¹ tsá² Israel, joon nigajmaa²a la jmoo¹o 'in tsá² jo seein²¹ Israel, jon'on la jmoo¹o 'in tsá² Israel; ¿xiia lí'i 'iin²¹²u'un tyu²'u to² tsá² jo seein²¹ Israel wa'a jmáa¹ la jmoo¹o tsá² Israel?”

Nijmaa¹a Dios tiin¹³ tsá² Israel tsu 'wii¹³ jo¹o líi²

15 Jna'a líi¹na'a tsá² Israel coon¹³ 'e seen²¹na'a, jo líi¹na'a tsá² 'noo¹o tsaa² lagi 'in tsá² catyaai².

16 Xu_{fiin}¹³ joon né²oo'o 'e jo mo gajmeei¹ Dios tsá² tyú¹ tyaní¹i jiin¹³ jaain²¹ tsu 'wii¹³ nigajmaa¹a 'ido jiin¹³ la to² tyu² ley tya' Moisés. Gajmeei¹ Dios tsá² tyú¹ tsu 'wii¹³ ja²mo galíi¹ Jesucristo. Tsu 'wii¹³ joon jo¹o galíi² jna'a Jesucristo 'e coon¹³ la joon lí² jmeei¹ Dios tyú¹na'a tsu 'wii¹³ 'e jai² lí²na'a jon' wa' tsu 'wii¹³ nigajmoo²¹o'o la to² tyu² ley. Tsu jo untyú¹ Dios jiin¹³ jaain²¹ tsá² tsu 'wii¹³ 'e nigajmaa¹a la to² tyu² ley.

17 Joon jna'a, wa'a 'iin²¹²na'a 'e untyú¹ Dios jna'a 'wii¹³ cwáain¹ tya' Cristo galí² 'e líi¹na'a tsá² 'in røøi²¹ tsaa². Wana la joon, ¿ti lí² 'øøi²¹-tsi tsá² 'e Cristo nigajmaa¹a wa'a 'ná² jna'a tsaa²? ¡Esa la joon tsu jo lí² jmá¹ Cristo wa'a 'ná² jna'a tsaa²!

18 Tsu wana gajma³aa tún¹ 'e ni'íin¹na do pe jna-a nigarøø²¹na tsaa².

19 Tsu najúun²moo cwáain¹ tya' ley do, joon 'e ley do nigajngaa¹³mo jna. Najúun²moo cwáain¹ tya' ley do yu to² 'e liseen²¹na tya' Dios.

20 Jna ni'lii²¹²moo tsu najúun²moo caan²¹mo coon¹³ Cristo tsaa¹ crúu¹³. Tsu 'wii¹³ joon jon' jna 'in seein²¹ nano pe Cristo seein²¹ coon¹³ jna. Joon xufiin¹³ 'e seen²¹ mogii, seen²¹ moo tsu 'wii¹³ 'e jai² lí²na 'in Joon¹ Dios, 'in nigali'iin²¹²in jna joon gajan²mo 'ña'a 'e júun²in 'wii²¹² tyiia.

21 Joon jo jmaa³aa 'e jo 'ee to² tí² 'e feei¹-tsi Dios tyiia tsu wana gajmeei¹ Dios xufiin¹³ jaain²¹ tsá² 'e tyú¹ tsu 'wii¹³ nigajmaa¹a la to² tyu² ley jo 'ee to² 'í³ 'e nigajuuin² Cristo wa' la joon.

3

¿Noo 'e gajmaa¹a tiin¹³'naa', 'e ley do si 'e júu³jai² 'e galí²naa' 'ee?

1 ¡Liili¹ báí¹ 'naa', tsaru¹u' néei¹ Galacia! ¿'In nigacoon²¹ 'naa' too² 'e jo jmaa²gii' núu¹³uun' 'e júu³ jai² do? Tsu coon¹³ 'e júu³ nigacwoo²¹o'o tyi'naa' gasí¹³i 'naa' coon²¹ júu³ coon²¹ tsáa¹ xi-aala gajuin¹ Jesucristo tsaa¹ crúu¹³.

2 Sí¹³duu' jna 'e 'iin²¹²na foo²oo': ¿Tí ga'ii¹³'naa' 'in Espíritu Tyú² tya' Dios tsu 'wii¹³ gajmaa²aa' jii¹³ la to² tyu² ley tya' Moisés si 'wii¹³ gajai² galí²naa' 'e júu³ ganuu²uun' 'ee?

3 ¿Tí caa²¹²naa' 'e lí² lín²naa' wa lí² tyée¹naa' coon¹³ waa²¹ pí³ tyii' yaanaa' 'e niga'láa² 'wii²¹² jmoo²oo' coon¹³ 'ii²¹ tya' Espíritu tya' Dios?

4 ¿Tí jo 'e nigali'ín³ to² jilaa²¹ wúu¹ 'e nigañí²ii'? ¡Jo cwo¹o Dios wa la joon!

5 Joon mo gacwei² Dios 'in Espíritu Tyú² tya'a tyi'naa' joon gajmaa¹a milagros jee²¹² 'naa', ¿xiia lí'i gajmaa¹a la joon, tsu 'wii¹³ nigajmaa²aa' la to tyu²

ley si tsu 'wii'¹³ jai'² galí'²naa' 'e júu'³ niganuu²uuu'¹
do 'ee?

⁶ Joon ja'²mo galí'²i Abraham Dios joon tsu 'wii'¹³
joon ga'ii'²¹mo Dios 'ii' 'e tyú'¹-i.

⁷ Joon tsu 'wii'¹³ joon cwoliñi'² 'naa', 'in jo'² líi'²i
Dios la jo'² líi'²i Abraham do, 'i-i líi'¹i la jai'² júu'³ tya'
Abraham.

⁸ Joon Dios, ñii'¹o jéei'¹gi, iuntyú'¹i tsá'² 'in jo seein'²¹
Israel coon'¹³ 'e jai'² líi'² Cristo. Joon Dios gajma'¹a
Abraham júu'³ 'e júu'³ tyú'² lo, jin'²in: “Iuncwaa'³na
jileei'²¹ tsá'² taain'²¹² juncwii'²¹ 'wii'¹³ cwáain'¹ tyi' 'i.”

⁹ La joon iuncwaa'i'³ Dios 'in jai'² líi'² 'ii caan'²¹mo
coon'¹³ Abraham, 'in nigajai'² líi'².

¹⁰ Joon jileei'²¹ 'in tsáai'¹-tsi wa ilí'² jmá'¹a ley tya'
Moisés ijma'¹ Dios 'ii'²¹ 'ii'²¹ tya'a tsu ni jí'² tya' Dios
jin'²in: “Jileei'²¹ 'in jo untsiin'¹ jilaa'²¹ 'e toon'¹on ni
jí'² tya' ley ijma'¹ Dios 'ii'²¹ 'ii'²¹ tya' 'i.”

¹¹ Joon tyú'² nee'²¹e' 'e jo untyú'¹i Dios jii'¹³
jaain'²¹ tsu 'wii'¹³ nigajmaa'¹a jii'¹³ la to'² tyu'² ley
do; tsu ni jí'² tya' Dios jin'²in: “In nigauntyú'¹i Dios
'ná'² ngí'¹ 'e jai'² líi'² Dios.”

¹² Joon 'e gajmaa'¹a tsá'² 'e ley tya' Moisés do jo
coon'²¹ røø'²¹ 'e jai'² líi'² Dios tsu jin'² ni jí'² do: “In
jmoo'¹o la to'² tyu'² ley do, coon'¹³ joon iseein'²¹.”

¹³ Joon Cristo nicaláa'²mo jna' 'e jmá'¹ Dios 'ii'²¹
'ii'²¹ tyi' 'wii'¹³ cwáain'¹ tya' ley do tsu Dios gajmaa'¹a
'ii'²¹ 'ii'²¹ tya' Cristo 'wii'¹³ jna', tsu ni jí'² tya' Dios
jin'²: “Ijma'¹ Dios 'ii'²¹ 'ii'²¹ tya' jileei'²¹ tsá'² 'in táain'²
tsaa'¹ crúu'¹³.”

¹⁴ La lo galí'² 'e lí'² uncwaa'i'³ Dios tsá'² jo seein'²¹
Israel 'wii'¹³ cwáain'¹ tya' Cristo Jesús jii'¹³ la júu'³

ga'ii¹i tya' Abraham. La joon lí² 'ii¹³na' coon¹³ 'e jai² lí²na' 'in Espíritu tya' Dios 'in nigajin² Dios incwoi² jna'.

'E ley do coon¹³ 'e júu³ ga'ii¹i Dios tya' Abraham

15 Tsaru¹u', fuu²¹²uu 'naa' coon²¹ cwáain¹ la jmoo¹o tsá²: Mo sí¹i tsá² coon²¹ júu³ tyiin² si 'ii¹i tsá² coon²¹ júu³ tyiin² 'ee joon tsa²¹ tsá² unnic-woo²¹o joon jiin¹³ jaain²¹ jo lí² wa jo la jai² jon'gi lí² wa'a tsa'láai²gi.

16 Joon ga'ii¹i Dios 'e júu³ do tya' Abraham coon¹³ jún² tya'a. Joon 'e júu³ tya' Dios do jo gajin²in: “jileei²¹ jún² tyi'i”, wa' 'øøi²¹-tsi tsá² 'in fúui¹. Pe gajin²in: “jún² tyi'i”; 'e coon¹³ la joon 'øøi²¹-tsi tsá² jaan²¹mo, joon 'in jaain²¹ do lí¹i Cristo.

17 'E fuu²¹²uu 'naa' lo: Gacwo¹o Dios 'e ley tya' Moisés tyún² cíein¹³ jiin²¹ tsi dyadya¹ jiin²¹ mo gangii¹ ga'ii¹i 'e júu³ tyín² do tya' Abraham. Joon 'e ley do jo lilí² wa'a jo tseein²¹gi 'e júu³ tyiin²¹ ga'ii¹i Dios tya' Abraham ca la mo jéei¹gi.

18 Joon wa mo'o gauntyú¹i Dios tsá² 'wii¹³ cwáain¹ tya' ley tya' Moisés, jo mo gauntyú¹i Dios 'in tsá² do 'wii¹³ cwáain¹ tya' 'e júu³ ga'ii¹i tya' Abraham do. Pe gacwo¹o Dios Abraham 'e júu³ tyiin² do 'e 'yaai¹-tsio tsa ja²mo galíi² Abraham 'ii.

19 Wa'a la joon, ¿'ee to² 'íi³ 'e ley tya' Moisés do? 'E ley do gajó² mo lí ciiin²¹gi 'e júu³ tyiin² do i'e²e tsá² xiaala lí² tsa². Joon gataa²¹a 'e ley do ca gajó² 'in “jún²” do 'in gacwo¹o Dios 'e júu³ tyiin² do. Joon 'in ángeles gacwo¹o Moisés 'e ley do, joon Moisés do galíi¹ 'in ngii¹ júu³ tya' Dios.

20 Joon wana 'hí¹i tsá² júu³ tyiin² jiin¹³ la 'i¹-tsi 'ña'a jo 'néi² 'in ngíi¹ júu³ tya'a. Joon 'in Dios lí¹i jaan²¹mo.

'Y² to² tya' ley

21 ¿Tí lí² jin² tsá² 'e ley tya' Moisés 'e faa²¹a lí¹ cii¹³ lagi faa²¹a 'e júu³ tyiin² ga'hí¹i Dios? ¡Esa lí² la joon! Tsu wa mo'o galisá² coon²¹ ley 'e lí² jmée¹i tsá² tyú¹i coon¹³ Dios joon i'ii²¹ Dios tsá² coon¹³ 'e gajmaa¹a 'e to² tyu² ley lo.

22 Pe jiin¹³ la gajin² jí² tya' Dios 'e jilee²¹mo lí¹i tsá² 'in jmoo¹o jiin¹³ la to² tyu² tsaa². 'E coon¹³ la joon lí²-i 'ii²¹ jilee¹i 'in jai² lí²i Jescuristo 'e júu³ tyiin² do 'e ga'hí¹i Dios.

23 Joon la nu'gi incwéi¹ Cristo ilí² 'e jai² lín²na' 'ii, la wa'a sijñí¹³mo' coon¹³ 'e ley lo. La wa'a nisijñí¹³mo jna' 'yíia¹³ joon ca mo gacwéi¹ Cristo.

24 Joon 'e ley do la wa'a niga'aa¹mo jna' ca mo gacwéi¹ Cristo joon ngajée¹³mo jna' tyani Cristo do 'e coon¹³ la joon lí²-i untyúu¹mo Dios jna' coon¹³ 'e jai² lí²na'.

25 Pe nano nicwéi¹mo Cristo 'e lí² jai² lín²na' 'ii joon la joon jo 'ná²gí' 'e ley no 'e 'ái¹gí jna'.

26 Tsu coon¹³ 'e jai² lí²naa' Cristo Jesús lín²naa' jóon¹ Dios.

27 Joon jilee¹i 'naa' 'in gasaa²¹ jmí²¹ ilicaan²¹naa' coon¹³ Cristo nigalín²naa' 'e lí¹naa' la lí¹i Cristo.

28 Joon tyani Dios jo lí¹gíi' tsá² Israel jon'gi lí¹gíi' tsá² jo seein²¹ Israel; jo lí²gíi' tsá² 'in jmoo¹o to² tyu² tsá² si tsá² 'in jmoo¹o to² la 'iin²¹²in yaai 'ee;

jo líí¹gíi' tsañuu¹ si tsamí² 'ee, tsu jaan²¹mo líí¹naa' 'in nigauncaain²¹ coon¹³ Cristo Jesús.

²⁹ Joon wana líí¹naa' tsá² tya' Cristo líí¹moo' jon jún² tya' 'líí²¹² tsafeei¹ Abraham. Joon i'ii¹³naa' lawa coon²¹ 'e tíí²moo' 'e júu³ tyiin² do 'e ga'íi¹ Dios tya' Abraham.

4

¹ 'E 'øøi²¹-tsi 'e fo³oo lo: la jee²¹² siján² jaain²¹ jóon¹ tsá² i'ii²¹ tya' 'e itíí²i coon²¹ røø²¹ líí¹i la líí¹ tsá² 'in jmoo¹o to² tyu' tsá², xufiin¹³ 'ii-o líí¹i fií²¹² jilaa²¹ 'e sá².

² Tsu seen²¹mo tsá² 'in 'aai¹ 'ii joon tyu²u to² 'ii ca tsín¹ jün²¹ jün¹³ la gajin² jmii²¹.

³ La joon jon lí² coon¹³ jna', lawa'a 'e xuu²¹²mo', joon 'e ley do tyu² to² jna' joon ga'í¹-tsi' jün¹³ 'e sá² juncwii²¹ lo.

⁴ Pe mo gatsín¹ jün²¹ jün¹³ la ga'í¹-tsi Dios 'ña'a, gasiin¹in Dios Jóon¹on 'in gangatyéin¹ jaain²¹ tsamí². Joon galíí¹i jaain²¹ tsá² Israel 'in 'ná² jmá¹ la to² tyu² ley.

⁵ Gajó² la joon, joon coon¹³ la joon ilí² láai² jna' coon¹³ 'e ley 'e tyu² to² jna' do. 'E coon¹³ la joon lí² 'ii²¹mo Dios jna' lawa jóon¹o.

⁶ Joon, tsu 'wii¹³ líí¹naa' jóon¹ Dios, gasii¹in Dios Espíritu tya' Jóon¹on Jesús 'e tsa'i² alma tyi'naa'. Joon 'in Espíritu 'yuui² alma tyii' 'oo¹o, tø¹ø Dios Jmii²¹ jin²in: “¡Ñíí²!”

⁷ Joon tsu 'wii¹³ joon jo líí¹gíi' la líí¹ tsá² 'in jmoo¹o la to² tyu² tsá², pe líí¹naa' jóon¹ Dios. Joon

wa' líi¹naa' jóon¹ Dios 'wii¹³ cwáain¹ tya' Cristo i'ii¹³ naa' la tii²i 'ii²¹ jóon¹ Dios.

Cu²-tsi Poo² coon¹³ 'in jai² líi²i 'in néei¹ Galacia

⁸ Joon la mo jéei¹, mo jo mo galicwii¹naa' Dios Jmii²¹, líi¹naa' tsá² 'in jmoo¹o la to² tyu² dioses 'in gajmeei¹ tsá², 'in jo líi¹ dios la jai².

⁹ Pe la no nigalicwii¹moo' Dios Jmii²¹ owa'a 'e tyú²gi fo²oo 'ee, nigalicwii¹mo Dios 'naa'. Wa'a la joon, ¿'ee lí'i cii¹³ yaanaa' jmoo²oo' tún¹ 'e jo 'oo¹o pí³ wa'a jmá¹a tiin¹³ 'naa' joon jo 'ee to² 'íi? Líi¹naa' la líi¹ tsá² 'in 'iin²¹²in jmá¹ la to² tyu² 'e jooi¹-tsi tsá² yaai.

¹⁰ Jmoo²oo' jmii²¹² 'áai¹, mo tí² jmii²¹² tya' sii²¹, si jmii²¹² tya' jiin²¹ 'ee, si doñi'ee jmii²¹² 'ee 'e seen²¹naa' tyú² coon¹³ Dios.

¹¹ Cu²-tsii 'e to² tyiia 'e gajmáa³aa jee²¹² 'naa' jo 'e galilíi¹³ 'ee.

¹² Tsaru¹u', m³ii tyani²ii' ilíin²naa' tún¹ la líi¹ jna tsu nigalíi¹na la líi¹ 'naa'. Jo mo gajmee¹³naa' jna jiin¹³xu la mo jéei¹ la joon jon nano.

¹³ Tsu ñi² 'naa' 'e gacwo³oo 'naa' 'e júu³ tyú² tya' 'e tiin¹³ tsá² mo 'wiin²¹² tsu 'wii¹³ 'e tsaa¹³oo.

¹⁴ Joon jo gali'ee¹naa' jna tsu 'wii¹³ 'e jmoowúu¹ 'e tyaan¹ lo. Pe ga'ii¹³moo' jna lawa 'e líi¹na jaain²¹ ángel tya' Dios si lawa 'e líi¹na 'ña'a 'ee Cristo Jesús.

¹⁵ ¿'Ee galí² coon¹³ 'e tyú² sáan²aan' coon¹³ jna? Lí²-i fo³oo 'wii²¹² tyi'naa' wu xu'u ili² 'wóo¹³oo' mi² unni²ii' yaanaa' cwoo²¹oo' jna.

¹⁶ Pe nano, ¿ti nigali'ee¹naa' jna tsu 'wii¹³ niga-fuu²¹²uu 'naa' 'e júu³ 'e la jai²?

17 'In tsá² 'in 'e² 'naa' no 'áai¹ untyúu¹ 'naa' pe 'e gó² 'i¹-tsi. Jiin¹³ 'e tyaa¹-oo' wa' ituu²naa' jna'a. 'E coon¹³ la joon ijmaa²aa' núu¹³uun' to² tyu² 'ii.

18 Joon tyú²-u wa'a untyúu¹ tsá² tsá² xeei²¹ wa'a 'i¹-tsi tsá² jiin¹³ 'e tyú²-u, pe 'ná² jmáa¹ la joon coon²¹ tøø²mo, jon' wa'a jiin¹³ mo ngí³ii coon¹³ 'naa'.

19 Lawa xuui²¹² tyiia líi¹ 'naa', joon 'wii¹³ tyi'naa' 'e móo³oo wúu¹ la wúu¹ ni² tsamí² mo ti lí² liseein²¹ yuun²¹ tya'a. Joon la joon imóo³oo wúu¹ ca galíi¹naa' tsá² 'in jmoo¹o jiin¹³ la to² tyu² Cristo.

20 'Áa¹mo 'iin²¹²na wa' mo tyiin¹³na coon¹³ 'naa' nano 'e lí² fuu²¹²uu 'naa' coon¹³ júu³ xiia'gi tsu jo ñí³ii 'ee 'i¹-tsii tyi'naa'.

Xiiala galíi¹ Agar coon¹³ Sara

21 Sii¹³du 'naa' jna jilee²¹ 'naa' 'in 'iin²¹² 'naa' 'e tyu² ley to² 'naa': ¿Ti jo mo ganúu¹³uun' la gajin² ley do?

22 Tsu 'e ley do jin² 'e galiseein²¹ gái¹ yuun²¹ tsañu¹ tya' Abraham. Joon 'in yuun²¹ nifu do galiseein²¹ tya' jaain²¹ tsamí² 'in jmoo¹o to² inuu tya'a. 'In tsamí² lo líi¹ esclava, 'e 'øøi²¹-tsi tsá² 'in jmoo¹o la to² tyu² tsá² 'ii. Joon, 'in yuun²¹ jaain²¹ dogi galiseein²¹ tya' tsamí² tya'a 'in lí² jmá¹ jiin¹³ la 'iin²¹²in.

23 Joon 'in yuun²¹ 'in galiseein²¹ tya' 'in tsamí² líi¹ esclava do galiseein²¹ la liseein jilee²¹ yuun²¹ catyaai². Pe mo galiseein²¹ Isaac, 'in yuun²¹ tya' 'in tsamí² 'in lí² jmá¹ jiin¹³ la 'iin²¹²in, gauntsiin¹mo 'e júu³ tyiin² 'e ga'í¹i Dios tya'a.

24 'E cwáain¹ lo lí¹ lawa coon²¹ cwáain¹ tya' tsá². La je tún² júu³ tyiin² ga'ñi¹ Dios líi¹ 'in gáí¹ tsamí² no. 'In tsamí² galisii²¹ Agar, 'in líi¹ esclava do, líi¹ la lí 'e júu³ tyiin² ga'ñi¹ Dios yu' moo²¹ Sinaí. Joon jileei²¹ 'in jóon¹on 'in tsamí² lo 'in líin² esclavos jon.

25 Agar do líi¹ la lí 'e moo²¹ sii²¹ Sinaí 'e si² coon²¹ lí sii²¹ Arabia. La lí 'e moo²¹ Sinaí la mo jéei¹ la joon lí Jerusalén nano tsu jileei²¹ 'in tsagoo¹o 'e fuu²¹ do 'ná untsiin¹ jiin¹³ la to² tyu² ley 'e ga'ii²¹ yu' moo²¹ Sinaí.

26 Pe 'e Jerusalén ná¹ fu ñu'fú² jo tyu² to² ley do joon líi¹na' tsagoo¹o 'e fuu²¹ joon.

27 Tsu la jin² jí² tya' Dios:

Tsamí² jo 'in yuun²¹ tsatyéein¹, cwounjløøi¹³ 'wo'o. Unjløøi¹³ 'wo'o 'in jo 'in xuui²¹² seein²¹ tya'a. 'Nu 'in jo mo gangó¹ wúu¹ tya' tsamí² mo liseein²¹ jóon¹on, 'óo²o 'e jløø¹³u'u.

Tsu 'in tsamí² 'in jo mo galiseein²¹ yuun²¹ tya'a, 'ii-i 'in tsafúui¹gi jóon¹on lagi 'in tsamí² 'in seein²¹ ñuu¹ tya'.

28 Tsaru¹u', jna' líi¹na' la líi¹ Isaac tsu líi¹na' jóon¹on jiin¹³ la júu³ tyiin² ga'ñi¹ Dios.

29 'In xuui²¹² tya' Agar do galiseein²¹ la liseein²¹ jileei²¹ xuui²¹² catyaaí². Joon 'in xuui²¹² tya' Agar do ga'øø¹i 'in xuui²¹² jaain²¹ do 'in galiseein²¹ coon¹³ 'ii²¹ tya' Espíritu Tyú². La joon jon lí² la no. 'In tsá² 'in jmoo¹o jiin¹³ la to² tyu² ley i'øø¹mo jna' 'in jai² líi² Cristo.

30 Pe ç'ee jin² júu³ tya' Dios? La joon jin²: “Wóoi caluu 'in tsamí² 'in líi¹ esclava coon¹³ jóon¹on tsu

'in yuun²¹ tya' 'in esclava do jo lí² 'ii'²¹i caain²¹ 'e gatií²i coon¹³ 'in yuun²¹ tya' 'in tsamí² 'in lí² tyu² to² do.”

³¹ La joon, tsaru¹u', jo lí¹na' xuui²¹² tya' 'in esclava do 'e tyu² to² ley jna' pe lí¹na' xuui²¹² tya' Sara 'in tsamí² 'in lí² tyu² to².

5

Tá² téin¹-oo' tsu nigaláa²mo Cristo 'naa'

¹ Tsu 'wii'¹³ joon tá² téin¹-oo' coon¹³ 'e galáai² Cristo jna' joon jo cwéi¹gi yaanaa' wa' a lín²naa' tsá² tún¹ 'in jo lí² tyu² to² yaai. Tsu 'e ley do lí², lawa coon²¹ 'mó² tsityi² tya' tsá², 'e joon jo lí² cwó²o wa'a tyu² tsá² to² yaai.

² Núu²duu', tsu jna, Poo², fuu²¹²uu 'naa', jo 'ee to² 'í³ Cristo tyii' wa' 'ii'¹³naa' 'e li² circuncisión.

³ Tsu fuu²¹²uu 'naa' tún¹ 'e doñi'in 'in 'iin²¹²in 'ii'²¹ 'e li² do 'ná² untsiin¹ jilaa²¹ ley tya' Moisés.

⁴ Joon jileei²¹ 'naa' 'in 'iin²¹²in wa'a untyú¹ Dios 'naa' tsu 'wii'¹³ nigajmaa²aa' jiin¹³ la to² tyu² ley do nigatú¹moo' Cristo, joon nigajmaa²oo' coon²¹ wa'a 'e lí² feei¹gi-tsi Dios tyii'.

⁵ Pe jna'gii'i coon¹³ 'ii'²¹ tya' Espíritu sijaan²¹a'an wa'a untyú¹ Dios jna'a tsu 'wii'¹³ jai² lí²na'a Cristo.

⁶ Tsu wana sicaan²¹na' coon¹³ Cristo Jesús jo 'ee to² 'í³ wa lí¹na' 'e li² circuncisión do si jo lí¹na' 'ee. 'E 'í³ to² tyi' 'e li'in²¹²na' la jaain²¹ la jaan²¹na' tsu 'wii'¹³ ja²mo galí²na' Dios.

⁷ 'Naa', cwolin²naa' røø²¹ la mo jéei¹. Pe nano, ¿iin' gajmaa¹ a gajnií²¹ 'naa' wa jo jmaa²gii' núu¹³uun' 'e júu³ la jai² lo?

8 Jon'on Dios gajmaa¹a 'e joon, li' 'ii-o catø¹²ø 'naa'.

9 La 'øøi²¹-oo' no, coon¹³ ca pi³ tyiian³ do ilí² iróon² jilaa²¹ con² do; la joon jon jaain²¹ tsá² lí² uncaain²¹ tsá² fúui¹ wa'a núu²uun júu³ tya'a.

10 Joon jo cu²-tsii coon¹³ Ña'ñu¹u' 'wii¹³ 'naa' 'e jo unsii²¹naa' 'e 'i¹-oo' jilaa²¹ 'e niga'e²ee 'naa'. Pe i'e² Dios wúu¹ 'in untyíin² 'naa', jo 'ee cwáain¹ tya'gi doñi'iin.

11 Joon 'inlíi¹³ cwo¹o jna tsaa² 'e 'ee¹ jna tsá² 'e 'ná² 'ii²¹ tsá² 'e lí² circuncisión do. Pe jo i'øøi¹gi tsá² Israel jna wa mo'o 'ee²¹ee 'e 'ná¹ 'ii²¹ tsá² lí² circuncisión. Pe 'øøi¹gi 'ido jna tsu¹ 'wii¹³ fuu²¹²uu 'ido 'e gajuuin²¹ Jesús tsaa² crúu¹³ 'wii'i tya' tsaa² tya'a. Joon 'wii¹³ joon 'ee¹mo 'ido jna.

12 Pe tya' 'in tsá² 'in ngí¹ to² untyíin² 'naa' tsáai¹gi-tsii wa' 'wó¹mo yaa-i jee²¹² 'naa' coonti.

13 Tsaru¹u', gatø¹² Dios 'naa' 'e seen²¹naa' siláa²naa' 'e tyú²uu' to² yaanaa'. Seen²¹naa' siláa²naa' pe jo cwéi¹ yaanaa' wa'a jmaa²aa' 'e gó² 'e 'yaai¹-tsi ngú¹ taan²¹²naa'. Pe cwéi¹ yaanaa' wa'a uncóon¹³on' la jaain²¹ la jaan²¹naa' tsu¹ 'wii¹³ 'iin²¹²naa' yaanaa'.

14 Tsu wana jmoo²oo' jiiin¹³ la jin² 'e júu³ lo: "Cwoli'iin²¹²moo' tsaruu²¹naa' jiiin¹³ la 'iin²¹²naa' yaanaa'", iuntsiin¹naa' jilaa²¹ ley catyiaa².

15 Pe wana 'eei¹ 'naa' joongi mii¹³ 'naa' la jaain²¹ la jaan²¹naa', ¿xiiala iliseen²¹naa' tyú² la 'oo²¹ yaanaa' 'e la joon?

Xiiala líi¹i tsá² 'in jmoo¹o jiiin¹³ la 'yaai¹-tsi ngú¹ taain²¹²

16 Pe fuu²¹²uu 'naa': Ngí²ñi' to² jmoo²oo' la to² tyu² Espíritu tya' Dios joon coon¹³ la joon jo jmaa²aa' 'e gó² jiin¹³ la 'yaai¹-tsi ngú¹ taan²¹²naa'.

17 Tsu 'e ngú¹ taan²¹²naa' no jo 'iin²¹²in jmá¹ 'e 'yaai¹-tsi Espíritu tya' Dios. La joon jon 'in Espíritu do jo 'iin²¹²in jmá¹ 'e 'yaai¹-tsi 'e ngú¹ taan²¹²naa'. 'Aa¹a ngú¹ taan²¹²naa' 'in Espíritu do, la joon jon Espíritu 'aa¹o ngú¹ taan²¹²naa'. Joon tsu 'wii¹³ joon jo cwói¹ jmaa²aa' jiin¹³ la 'iin²¹²naa'.

18 Tsu wana cwéi¹ 'naa' yaanaa' 'e tyu² Espíritu to² 'naa' jo tyu²gi ley to² 'naa'.

19 Joon jo wúui¹ liñi² tsá² 'e 'iin²¹²in ngú¹ taan²¹²naa' jmá¹, 'iin²¹²in fee²i tsami² tya' tsá² xeei²¹, 'iin²¹²in jmá¹ jilaa²¹ 'e 'leei²¹ tsá², joon 'iin²¹²in jmá¹ jilaa²¹ 'e 'yaai¹-tsi 'ña'a.

20 Joon 'e ngú¹ taan²¹²naa' 'iin²¹²in un'goo¹o jileei²¹ dioses tya'a 'in gajmee¹i yaai joon tí²-tsi jmáa¹a júu³ loo¹, 'eei¹ ruu²¹i, 'noo¹o mñi¹³ joon 'iin²¹²in 'e sá² tya' tsá² xeei²¹. Joon jo wúui¹ tí² 'nii²¹-tsi, joon jilaa²¹ 'e jmoo¹o jiin¹³ tya' 'e yaai. Joon 'iin²¹²in jmáa¹a poo²¹² la 'ii¹³ tsá², si jmáa¹a coon²¹ poo²¹² tya' 'ña'a 'ee.

21 Joongi 'oo¹o tsii²¹² wúu¹, joongi jngaai¹³ tsá², joongi ngñi¹ to² 'in¹ joongi to²o mñi¹³ mo 'in¹in joongi jmoo¹o jilaa²¹ 'e catyiaa² 'e li la lo. Joon fuu²¹²uu 'naa' tún¹ la nafo¹oo la mo jéei¹ do, 'in jmoo¹o la lo jo lí² wa' tsatái¹ li tyu² Dios to² tsá².

Xiaala liñi¹ tsá² 'in jmoo¹o jiin¹³ la 'iin²¹²in Espíritu

22 Pe 'in Espíritu do jmoo¹o wa'a li'iin²¹²mo tsaruu²¹i joongi jmoo¹o wa'a jmá¹ tsá² jløø¹³i, joongi 'e seein²¹ tyú² coon¹³ Dios la joon jon la 'oo²¹ yaai. Coon¹³ 'ii²¹ tya' Espíritu Tyú² do lí² lín² tsá² tsá² feei¹-tsi, joongi tsá² 'wó²-tsi, joongi tsá² 'in uncoon¹³ tsá² xeei²¹, joongi tsá² 'in untiin¹³ júu³ tya'a.

23 'In Espíritu do uncoon¹³ tsá² 'e seein²¹ tyú²-tsi joon 'e lí² tyú² to² yaai. Joon jiin¹³ coon²¹ ley jo sá² wa'a jmaa¹a 'ii²¹ tya' 'in tsá² 'in jmoo¹o jilaa²¹ 'elo.

24 Joon jilee²¹ 'in líi¹ tsá² tya' Cristo Jesús lawa nigatáan¹in tsaa¹ crúu¹³ jilaa²¹ 'e gó² 'iin²¹²in ngú¹ taan²¹²in.

25 Joon wa' seen²¹na' coon¹³ 'ii²¹ tya' Espíritu Tyú² do, cwongí²i' jon coon¹³ 'ii²¹ tya' Espíritu do.

26 Joon coon¹³ la joon jo lí² jmée¹na' jløø³ yiia' tsu wana jmoo²¹o' jløø³ untyí²na' la jaain²¹ la jaain²¹ tsá² joongi 'oo²¹²o' tsii²¹² wúu¹.

6

Uncóon¹³oon' la jaain²¹ la jaain²¹

1 Tsaru¹u', wana gajjin²¹naa' jaain²¹ tsá² 'in nigatøi¹² tsaa² tya'a, 'naa', 'in ngi¹gi coon¹³ 'ii²¹ tya' Espíritu, 'ná² uncóon¹³oon' 'ido 'e jiin¹³in coon¹³ Cristo. Joon 'ná² jmaa²aa' 'e 'wó²-'oo' coon¹³on. Coon²¹ tún² 'ná² jmaa²aa' tsu coon²¹ jo¹ ngái¹ la no wa 'naa'gii' gaxuu²¹ 'naa' tsaa² tyii'.

2 Uncóon¹³oon' la jaain²¹ la jaain²¹ tsá² 'in 'oo¹o faí³ joon coon¹³ la joon lí² untsiin¹naa' 'e ley tya' Cristo.

3 Tsu coon²¹ tsá² too² yaai wa'a lüi² tsá² 'e tsá² 'in tyiin² 'ii, pe jon'gi 'in tyiin² 'ii.

4 'Ná¹-a tyá²a tsá² cwáain¹ tya'a la jaain²¹ la jaain²¹ xiiala to² nigajmaa¹a wa'a cwo'üi¹ 'e tyúu¹i cwáain¹ tya' 'ña'o, jon' wa' cwáain¹ tya' tsá² xeei²¹.

5 'E juncwii²¹ tya' tsá² li la li láa¹a joon la jaain²¹ la jaain²¹ tsá² 'ná¹ cón² láa¹a 'ña'a.

6 Joon jileei²¹ 'in núu²un 'e júu¹ tyú² tya' Dios 'e 'e²e tsa tí²i uncoon¹³ 'in tsá² do 'in 'e² 'ii coon¹³ 'e tyú² tya'a.

7 Jo cón¹³oon' too² yaanaa': 'e líi²naa' 'e lí² unsüi² tsá² 'e to² nigatyü² Dios. Tsu 'e jún² 'e jñi¹ tsá² la joon jon cón² tsá² mi tí² 'e garoo²¹. (Wa jñi¹ tsá² cwuu²¹ joon coon²¹ tsá² cwu¹ tya'a mo garoo²¹o.)

8 La joon jon wa' jmoo¹o tsá² jilaa²¹ 'e gó² 'iin²¹²in ngú¹ taan²¹²in, 'e gó² do jon ijmá¹ júuin² li gatséi¹. Pe wana jmoo¹o tsá² jiiin¹³ la 'yaa¹-tsi Espíritu tya' Dios, 'in Espíritu do ijmáa¹a 'e seen²¹mo 'in tsá² do coon²¹ tøø²mo.

9 Jo cwo'woo²¹oo' 'e jmoo²oo' 'e tyú²; tsu wana jmoo²¹o' taa²¹gi' ca gatí² 'ii²¹ 'e garoo²¹ 'e sá² 'e 'lee²¹e'.

10 Tsu 'wii¹³ joon cwojmoo²¹o' 'e tyú² tya' jileei²¹ tsá² mi lí². Cwojmóo²¹o' la joon 'e tyiin²gi' nifu tya' tsaru¹u' 'in jai² líi²i Cristo.

Júu³ li tséi¹

11 Ní²duu' xiaala coo¹³ 'e júu³ lo 'e gatón³oon ni mo'jí² lo coon¹³ cwóo³oo.

12 'In tsá² do 'in 'iin²¹²in wa' 'ii¹³naa' 'e li² circuncisión, 'iin²¹²in la joon jiiin¹³ wa' iliseen²¹in tyú² coon¹³ 'in tsá² Israel catyaa² do, 'e coon¹³ la joon

jo 'e iní²i wúu¹ 'wii¹³ tya' 'e júu³ tyú² do 'e gajuin¹ Cristo tsaa¹ crúu¹³ 'wii¹³ tyi'.

13 Jon' wa' jii¹³ 'in tsá² líi¹ li² circuncisión lí² jmáa¹a jilaa²¹ la jin¹² ley pe 'iin²¹²in 'e 'ii¹³naa' 'e li² do 'e coon¹³ la joon ijmá¹ jloo¹³ 'e to² tyu² 'ii-o ga'ii¹³naa' 'e li² do.

14 Pe wa jna, cwáain¹ tyiia 'ñii'a, jo 'e sá² wa' jmá³aa jloo¹³ 'ñii'a. Pe wa'a jmá³aa jloo¹³, jloo¹³ jmá³aa tsu 'wii¹³ nigajuin¹ Ña'ñu¹u' Jesucristo tsaa¹ crúu¹³ 'wii²¹² tyiia. Tsu 'wii¹³ cwáain¹ tya' 'e crúu¹³ do 'e fu juncwii²¹ lo jo tyu²gi to² jna, joon la wa' na'lii²¹²moo tya' 'e fu juncwii²¹ lo.

15 Tsu wana sicaan²¹na' coon¹³ Cristo Jesús jo 'ee to² 'í³ tyi' wana 'ii¹³na' 'e li² do si jo mo 'ii¹³na' 'ee. Jii¹³ 'e 'í³ to² tyi' wa' 'e lín³na' 'in 'múu²mo'.

16 Joon cwoliseein²¹ tyú² tyani Dios jileei²¹ 'in líi¹ la joon, joon cwolifee¹mo-tsi Dios tya'a, tsu lín² 'ido tsá² tya' Dios 'e la jai².

17 Nano tiin¹³ li ngóo¹gi do jo 'iin²¹²na wa'a untyín² tsá² jna jii¹³ jáain¹. Tsu lí²-i liñí² tsá² 'e líi¹na tsá² tya' Ña'ñu¹u' Jesús coon¹³ 'e li² li sicwuu²¹ tyiia lo.

18 Tsaru¹u', cwoseen²¹moo' 'e feei¹-tsi Ña'ñu¹u' Jesucristo 'wii²¹² tyii' coon¹³ jilaa²¹ 'e 'í¹-'oo'. Amén.

Juu³ ty² 'e gafaa^{'21} Dios tya' tsá²
New Testament in Chinantec, Quiotepec
(MX:chq:Chinantec, Quiotepec)

copyright © 1983 Wycliffe Bible Translators, Inc.

Language: Chinantec, Quiotepec

Translation by: Wycliffe Bible Translators, Inc.

Chinanteco, Quiotepec [chq], Mexico

Copyright Information

© 1983, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Quiotepec

© 1983, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

3808f8d2-c323-5477-a114-0f18fe74613e